

佛說鬼子母經

竟

夫譯人今附西晉錄

佛遊大兜國時國中有一母人多子性極惡常喜行盜人子煞散之亡子家亦不知何誰取者行街里啼哭人已還共議如是非一日阿難及眾沙門出行輒見啼哭人已還共議傷哀亡子家佛即知眾沙門議佛到眾沙門所佛問眾沙門向者何等議眾沙門阿難白佛言向者出行分衛見街里有啼哭人眾多即問啼哭人汝何為啼哭報言生亡我子不知尸死處所如是啼哭者非一家皆亡子佛便為阿難眾沙門說是國中盜人子者非凡人故現鬼子母今生作人喜行盜人子是母有千子五百子在天上五百子在世間千子皆為鬼王一王者從數萬鬼如是五百鬼王在天上燒諸天五百鬼王在世間燒帝王人民如是五百鬼王天亦無奈何阿難白佛言鬼子母來在是國中今寧可勅令不盜人子耶佛言大善可令不

鬼子母經 第三卷 竟

復盜人子阿難問佛言當用何等方便使不復盜人子耶佛便語阿難到是母所居眾沙門共伺是母出已後悉斂取子來著精舍中地之眾沙門即往伺是母出行隨後斂取子得千數子逃著精舍中是母便復行盜人子來入舍中不見其子便捨他人子不敢復斂便行索其子遍舍中不知其子處便出行至街里遍城中不得復出城外索不得便入城行道啼哭如是十日母便狂被髮入市啼哭自擗撲仰天大呼為狂梁語亦不能復飲食佛遣沙門往視之見母問何為市中被髮啼哭母即報沙門言亡我子眾多故哭耳沙門言汝欲得汝子不母報言我欲得之沙門言汝審欲得者是間有佛可往問佛佛者知當來已去之事汝往則可得汝子母聞是語則歡喜意解便隨沙門去到佛所歡喜前為佛作禮佛即問母何為市中啼哭母報佛言亡我子故佛問母汝捨汝子至何所而亡汝子母即默然不言佛復問母汝捨子至何所

鬼子母經 第三卷 竟

而默然無語母知盜人子為惡母即起為佛作禮頭面著地我愚癡故佛復問汝有子愛之不母言我有子坐起常欲著我傍佛復問汝有子知愛之何故日行盜他人子他人有子亦如汝愛之亡子家亦行道啼哭如汝汝及盜人子煞散之死後當入太山地獄中母聞是語便恐怖佛復問汝寧欲得汝子不母即起復持頭面著地願哀我佛便語母言汝子若在汝寧能自悔不若能自悔當還汝子母言我能自悔佛言汝能自悔當作何等自悔母言我聽佛教誡當隨佛語自悔佛還我子我不敢遠離佛所語佛言審如汝語不母言我審知佛語佛便授以五戒第一不煞生第二不盜三不婬四不兩舌五不飲酒報能悉還其子佛便為說汝有千子皆為說千子名字五百子在上天皆是鬼中王將鬼官屬嫉害燒天民五百子在世間燒諸人民汝子作鬼王將數萬鬼如是五百子將鬼官屬一不可稱數極嫉害惡或自稱作樹木神

者或作地神者或作水神者或詐為人兄弟妻子自然枉家室內外者或作海神者或作船車神者或作舍宅神者或自稱夜在冥中神者或使人夢寤者或使人恐怖為人作怪者或自稱星死者自稱病死者如是耗亂人適不在一處極嫉害惡如是齋稱令人祠祀烹熬人不知多為烹熬飲食是鬼是鬼亦不肯食端嫉害欲使人犯煞欲使人入地獄中要不食之見人祠祀喜如是鬼亦不能護活人命但益罪惡癡人不知坐鬼貧窮鬼子母聞佛說是語即一心自悔即得須陀洹道知方來去事長跪白佛言我愚癡不知世世有惡乃今我得持戒思惟中正之道我心皆徹視還見我千子今我乃知佛所至至語成願佛哀我我欲止佛精舍傍我欲呼千子王我欲使與佛結要我欲報復天上天下人恩佛言善哉如汝有是意大善佛言汝從是已去當稱是語便止佛精舍邊其國中人民無子者來求子當與之子自在所願我當

勅子姓與使隨護人不得復妄燒之欲從鬼子母求願者名浮陀摩尼鉢垢名多匿天上天下鬼屬是摩尼鉢主四海內船車治生有財產皆屬摩尼鉢摩尼鉢與佛結要受戒主護人財物矣匿主人若有產生當救之有天王名毗沙門主四天地護人命出入當從毗沙門求願有大鬼王名阿須倫主諸龍王諸毒氣人從求願令毒不干人求願當慈心無所用謝亦無所欺食人從求願者在人何求與耳要無所求索亦不責人人至浮陀摩尼鉢前為作禮

佛說鬼子母經

癸卯歲高麗國大藏都監奉勅彫造

校勘記

- 一 底本，麗藏本。
- 一 四四六頁上二行譯者，石無；石、
- 一 普作「失譯今附西晉錄」；南、徑、
- 一 清作「失譯人名今附西晉錄」。
- 一 四四六頁上五行第五字「何」，石、
- 一 普、南、徑、清作「阿」。
- 一 四四六頁上六行「一日」，石、普、
- 一 南、徑、清作「於一日」。
- 一 四四六頁上二一行「中今」，石作
- 一 「如今」。
- 一 四四六頁中五行末字「千」，石、
- 一 石、普、南、徑、清作「十」。
- 一 四四六頁中八行第一〇字「遍」，
- 一 石、石、普、南、徑、清作「遍」。
- 一 四四六頁中一行第九字「髮」，
- 一 石無。
- 一 四四六頁中一二行第二字「撲」，
- 一 石、普、南、徑、清作「自撲」。
- 一 四四六頁中一六行首字「不」，石

無。

一 四四六頁下一七行末字「報」，**石**作「勢」。

一 四四七頁上八行「烹熟」，**石**作「亨熟」。

一 四四七頁上一二行第二字「但」，**石**無。

一 四四七頁上二一行第七字「汝」，**石**無。同行至次行「是語」，**石**無。

一 四四七頁中一行第三字「姓」，**石**、**普**、**南**、**徑**、**清**作「性」。

一 四四七頁中二行第一三字「尼」，**石**、**普**、**南**作「足」。

一 四四七頁中一〇行第五字「求」，**石**無。